



Druk die *reset*-knoppie vir kinderbediening ná Covid-19

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Daar is meer as een gemeente wat, noudat Covid-19 'n bietjie op die agtergrond geskuif het, aandui dat veral kinders onder die ouderdom van 12 traag is om terug te kom kerk en kategeese toe.

Sedert die begin van die nuwe akademiese jaar het ek weer saam met die tweede- en derdejaarstudente vir die Diploma in Bediening gekyk na 'n aantal artikels en gesprekke oor kinderbediening. Daar is duidelik 'n paar belangrike merkers as ons die *reset*-knoppie wil druk in kinderbediening.

Die eerste wat ek wil uitlig, is wat prof Dirkie Smit geskryf het, dat die kerk die plek moet wees waar die kind veilig en welkom voel. Beleef die kinders dat dit wat in Markus 10: 14 (AFR2020) staan, vir hulle waar is? *Laat die kindertjies na My toe kom en moet hulle nie langer verhinder nie, want die koninkryk van God behoort aan mense soos hulle.* Hoe ervaar die kind die kerk en die mense van die kerk? Is daar 'n vertrouensverhouding tussen die kinders in die kerk en die predikant en lidmate wat hulle bedien? Ons moet krities hierna gaan kyk.

Die tweede wat ek graag wil onderstreep, is dat die kind en kinderbediening onlosmaaklik aan die gemeente gekoppel is, en dus 'n integrale deel van die gemeente is. Deur die Doop is die kind reeds ingelyf as deel van die kerk en kan die kind nie maar eenkant toe geskuif word, of as minder belangrik beskou word nie. Baie keer is 'n mens geneig om in beplanning vir die gemeente nie noodwendig vir die kinders voorsiening te maak nie. Al is die kinders deel van die gemeente, moet daar ook in die bediening vir die drie- tot 12-jariges voorsiening gemaak word. Prof Malan Nel skryf dat die kultuur van 'n gemeente voorsiening moet maak vir diversiteit. Hy noem onder meer dat predikante kindgerig moet dink wanneer hulle soek na 'n teks om oor te preek en daarvoor moet bid wanneer hulle besig is met preekmaak en voorbereiding vir die preek en die liturgie. As predikant moet jy die kind sien as deel van die geloofsgemeenskap wat jy bedien.

Die derde belangrike aspek van kinderbediening wat elke gemeente moet onthou, is dat jy die kind binne die ouderdomsprofiel van ontwikkeling moet bedien. Ons kan nie verwag dat 'n boodskap met 'n hoogs akademiese inslag sal grondvat by 'n ses- of sewejarige kind nie. Daarom is dit noodsaaklik dat ons kindgerig dink en die boodskap so moet afbreek dat die kinders ook iets daarvan sal begryp. Dit, moet ons erken, is baie keer moeilik in 'n erediens. Tog is dit lonend om jou preek en die bediening in die gemeente so in te rig dat dit bevatlik is vir die kinders. Ons moet die woorde van Christus in Johannes 21: 15 nooit vergeet nie: *Laat my lammers wei.*

Kyk gerus na die gesprek met dr Leon van Zyl oor kinderbediening vir verdere oordenking by <https://www.youtube.com/watch?v=9R1jjsQYeyQ>.


Ds Bouwer Serfontein, Vereniging

Lief en leed



Prof Natie van Wyk

- Volgens **prof IWC (Natie) van Wyk** (emeritus) se onkoloog het die melanoom nou fase 4 bereik en het dit versprei tot by die speekselklier wat in Januarie verwyder is. Om te voorkom dat dit verder versprei, sal hy nou elke weekdag vir ses weke bestraling ontvang, gevolg deur twee jaar se immunoterapie wat elke drie weke toegedien sal word. Ons bid hom en sy vrou, Neltjie, baie sterkte toe.
- Ds Colin en Annelie Hertzog (Middelburg-Noord) se seun, **Munnik Hertzog, en Suné Breed**, is verlede naweek getroud. Baie geluk!
- Baie geluk aan **ds Elmien en Derrick Shaw** (Swartkop) met die doop van hul tweeling **Alyssa en Sophia** verlede naweek. Die egpaar het ook 'n seun, Grayson, wat op 14 Oktober 2019 gebore is.
- **Die volgende predikante verjaar tot 18 Maart, en word hartlik geluk gewens:**
 - Donderdag 10 Maart: Ds TF (Thomas) Dreyer (46) (Wapadrant)
 - Saterdag 12 Maart: Ds JJ (Jaco) Dreyer (62) (Bloemfontein)
 - Sondag 13 Maart: Di LK (Lilian) Erasmus (32) (Wonderboom) en RJ (Rudi) Rust (63) (Vanderbijlpark-Oos)
 - Woensdag 16 Maart: Di GS (Gerrie) Botha (63) (emeritus) en AC (Arie) Kuyper (68) (emeritus)
 - Donderdag 17 Maart: Dr DJC (Daan) van Wyk (82) (emeritus)
 - Vrydag 18 Maart: Di P de K (Pieter) Furstenberg (47) (Richardsbaai), RTI (Robby) Pienaar (66) (emeritus) en G (Gerrit-Daan) van der Merwe (37) (Strand)



Munnik en Suné Hertzog



Alyssa en Sophia Shaw

Gemeentes en bediening

- **Gemeente Potchefstroom** is op 26 en 27 Maart 1842 met die eerste kerkviering in Potchefstroom deur ds Daniël Lindley gestig. Die gemeente vier op **Sondag 13 Maart 2022** haar **180ste bestaansjaar**. Daar sal 'n dankdiens gehou word om 11:00, waarna **dr Rudy Denton** namens die ring gelukwense sal oordra. **Prof Wim Dreyer** sal namens die Kommissie van die AKV gelukwense oordra en 'n historiese oorsig gee oor die konteks waarbinne die gemeente ontstaan het. Almal teenwoordig word genooi om na die verrigtinge in die kerkgebou saam 'n ete in die saal te kom geniet. Belangstellendes kan ds Willem Kok by 083 664 0058 skakel.
- Die vergadering van die **ring van Johannesburg** vind plaas op 23 April om 08:00 by Gemeente Turffontein. Die **ring van Maquassi** vergader op 24 April in Leeudoringstad.
- **Gemeente Newlands (Johannesburg)** beskik oor 'n **vakante orrelistepos** en is op soek na die dienste van 'n dinamiese orrelis. Die gemeente se orrel is 'n uitstekende instrument – om die orrel in aksie te sien, volg gerus hierdie skakel:
<https://www.facebook.com/NHKNewlands123/videos/297136898270144>

Bo en behalwe orrelspel tydens eredienste, sal ook van die persoon verwag word om 'n wesenlike impak en 'n skeppende bydrae te lewer tot uitbreiding van die gemeente se musiekbediening. VONKK-liedere is baie geliefd in die gemeente.

Aansoeke, vergesel van 'n verkorte CV, moet gerig word aan die skriba, Paul Jansen, by newlandsgemeente.skriba@gmail.com.

- **Gemeente Wonderboom (Pretoria)** beskik oor 'n **vakante kosterpos**. Die pligte behels onder andere diens by begrafnisse en gemeentefunksies, asook toesig oor die tuinwerker en skoonmaker. Die kandidaat moet verkieslik naby die gemeente woon. Belangstellendes kan die skriba, Pieter Mulder, kontak by 066 302 2768. **Die sluitingsdatum vir aansoeke is 31 Maart 2022.**

- **Gemeente Meyerton** se telefoonnommer (voorheen 016 362 1207) het verander. Die nuwe nommer is 016 110 0147.
- Kom vat biddend hande met die **Bybelgenootskap van Suid-Afrika** om vrede, moed en vertroosting aan die **mense van Oekraïne en Rusland** te bring. Help asseblief om die Oekraïense Bybelgenootskap se projek, *Hoop te midde van vrees: Bybels vir Oekraïne*, finansiëel te ondersteun. Besoek www.bybelgenootskap.co.za vir bankbesonderhede en ander betaalopsies. Vir meer inligting, kontak dr Francois Sieberhagen, hoof van kommunikasie en bemerking, by sieberhagen@biblesociety.co.za, 021 910 8705 of 083 389 0708.
- Die VONKK-Opedag het op 26 Februarie plaasgevind. **40 VONKK-liedere** wat handel oor die geboorte, lewe, sterwe en opstanding van Jesus, is tydens die geleentheid beskikbaar gestel. Die geleentheid het in vyf sessies plaasgevind en vir almal wat nie die geleentheid in persoon kon bywoon nie, is die sessies nou op **YouTube** beskikbaar by die volgende skakels:
 - SESSIE 1: ADVENT- EN KERSLIEDERE
<https://www.youtube.com/watch?v=OPIjZNnKzrl>
 - SESSIE 2: PALMSONDAG EN LYDENSTYD
<https://www.youtube.com/watch?v=M2ETtLRdBb0>
 - SESSIE 3: OPSTANDING
<https://www.youtube.com/watch?v=y7-iiVsMwz0>
 - SESSIE 4: HEMELVAART EN KERK VAN CHRISTUS
https://www.youtube.com/watch?v=nT9__YeCLDc
 - SESSIE 5: WEDERKOMS EN GELOOFSBELYDENIS
https://www.youtube.com/watch?v=FPK_kd326bo

- Die NHKA se **SP Engelbrecht-museum** is die grootste kerkmuseum in Suid-Afrika en is geleë in Pretoria, naby die Eugene Marais-hospitaal in Eloffsdal. Belangstellendes kan die Museum soggens of naweke per afspraak besoek. Die **toegangsfooie** is R40 per persoon vir groepe minder as tien. Tien of meer in 'n groep betaal R30 per persoon. Seniorlidmaatgroepe en kategesegroepe is gewilde besoekers. Daar is ook 'n afdak beskikbaar vir 'n "piekniekete". Skakel **ds Johann de Bruin** gerus by 082 733 3951.

Vergaderings

- Donderdag 10 Maart: Kommissie van die AKV
Redaksie van *Die Hervormer*
- Vrydag 11 Maart: Kommissie van die AKV
- Maandag 14 Maart: 9de ADV Beplanning
- Dinsdag 15 Maart: TOIBO Uitvoerende Komitee
- Woensdag 16 Maart: Ons Tuis Direksie
- Donderdag 17 Maart: Rata Finkom

Studentesake

- **Studentebehuising vir 2022. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.
- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmensewoningstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.

Kerklke publikasies

Tydskrif vir Hervormde Teologie (THT)
Jaargang 9 (2021)

Die NHKA se teologiese tydskrif
nou vir die eerste keer in boekvorm!

Beperkte oplaag –
bestel by boekwinkel@nhk.co.za

R120 (versending uitgesluit)



Bybelse Dagboek / Almanak 2022
R200 (versending uitgesluit)

Kry belangrike inligting
oor die Hervormde Kerk
en 'n inspirerende Bybelse
dagboek in een omslag

Beperkte oplaag – bestel
by boekwinkel@nhk.co.za



Fondsinsamelings

- **Rata Maatskaplike Dienste**
Drive for a Child: Gholfdag Mpumalanga
Woensdag 4 Mei
Highland Gate Golf and Trout Estate, Dullstroom
Borge en inskrywings: Annette Lombard 083 231 8943
annette@rata.org.za
- **Rata Maatskaplike Dienste**
Drive for a Child: Gholfdag Pretoria
Dinsdag 23 Augustus
Silver Lakes Country Club
Borge en inskrywings: Annelie Flanagan 064 437 5997
info@rata.org.za

Toerusting

- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit sal via Zoom plaasvind, daaglik van 09:00 tot 11:00, en wel op die volgende datums:
 - Die herontdekking van God se missie: 28 Julie
 - Die herontdekking van missionaliteit in 'n veranderende wêreld: 4 Augustus
 - Die herontdekking van die missionale aard van die gemeente: 11 Augustus
 - Die herontdekking van dissipelskap: 18 Augustus
 - Die herontdekking van missionale spiritualiteit: 25 Augustus
 - Die herontdekking van missionale luister in die gemeenskap: 1 September

Join Zoom Meeting
<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>
Meeting ID: 942 768 9935
Passcode: SGB

Navrae: Dr Frikkie Labuschagne by karen@nhk.co.za.



Drie-dag-kursus om CRM-begeleier te word

Kweek veerkragtigheid in 'n getraumatiseerde gemeenskap

- Die *Community Resiliency Model* (CRM)
- Dr Barbara Wade
- 23-25 Mei 2022, R1 000 per persoon
- Lokaal sal aangekondig word

Maar 'n takkie sal spruit uit die stomp van Isai,
en 'n loof uit sy wortels sal vrugte dra (Jes 11: 1)



'n Gedig

amo
amas
amat
van woorde
raak jy sat
vier jaar lank
die taal geleer
gou vergeet jy
alles weer
en ál wat steeds
aan die brein bly vat
na dié hellelange Latynpad
is
amo
amas
amat

Philip de Vos

(Uit: *Daar's bitterals in die heuningwals*, 1988)

Barmhartigheid

- **Athalia Uitrek in Bloemfontein**
Verblyf vir en versorging van bejaardes en gestremdes
Enkel- en deekamergeriewe in 'n huislike atmosfeer
Verblyf met 3 etes ingesluit
Verblyf sonder versorging R1 700 per maand
24-uur-versorging onderhandelbaar
(maksimum R8 000 per maand deekamer)
Navrae: 079 826 6363 / 084 023 0315 / 051 522 6089
navrae@athalia.co.za
www.athalia.co.za
- **Ons Tuis Emily Hobhouse** is die ideale tuiste vir persone wat nog selfversorgend is. Tans is daar eenslaapkamereenhede te koop teen R364 348 en R377 472. Dit is in 'n gevestigde, boomryke area met 'n lieflike berguitsig. Kontak mev Hannelie Fourie by 012 325 1857 x216 of HannelieF@otmt.org.

- **Machteld Postmus-behuisingskompleks vir bejaardes** in Brooklyn, Pretoria, het 'n tweeslaapkamer-woonregeenheid beskikbaar by Frans Boshoff: Dit is Woonstel 3 teen R485 000. Kontak mev Hannelie Fourie by 012 325 1857 x216 vir meer inligting.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord**
Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
Enkelwoonstel (*Bachelor*): R510 000
Eenslaapkamer: R515 000
1½-slaapkamer: R520 000
Tweeslaapkamer: R560 000
Navrae: Salomie Stolz 012 329 4318 / 083 308 0520



Allegaartjie

“Ons samelewing glo mense moet aftree wanneer hulle op die kruin van hul ondervinding staan. Hoekom? Dis juis dan wanneer hulle kennis begin oordra. Ons beste onderwysers sit en tel tande in aftreeoorde. Hulle moet gaan haal word!” (Derrick Gardner, in *Bruis*, Maart/ April 2022)

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

'n Gebed teen oorlog

Genadige Vader,
ons bid vandag téén oorlog.
Ons smeek U
om alle konflik wat op oorlog kan uitloop,
by te lê.
Ons bid vir u Goddelike ingryping.
Raak die harte aan
van almal wat mense aanhits
om oorlog te maak.
Laat hulle afsien van hul bose planne.
Ons wil nie oorlog hê nie.
Laat vrede oor ons
en tussen ons heers.
Weer die boosheid af
wat ons uiteenjaag
en help ons om ons vrese te oorwin.
Amen.

thegracefulchapter.com/prayers-in-times-of-war-and-violence

(Afrikaanse verwerking: Tessa Oppermann)